



Дээдэ-Онгостойдо бодхоогдожо байһан Хамбын хүрэнэй дуган гэнтын аюулһаа боложо, байгша оной мартын хуушаар хайлажа, тэрэ хүни тэндэ хоножо байһан гурбан хубараг амиды бэээрэ зула болобо гэнэн мэдээсэл Буряад ороной хүзэгтэнэй сэдхэлдэ онсо ехэ гашуудалтай байгаа һэн. Хайлаһан дуганһаа холо бэшэ Сахюусанай шэнэ дуган барилгада хандиб оруулхын тула эмхидхэгдэн телемарафон Дээдэ-Онгостойдо хамбын хүрэнэ майн 11-дэ үнгэрөө.

гэнэн найдалаа үбгэжөөл элрхэйлээд, 200 мянган түхэриг хандиблаба.

Хандиб баригшадай дунда гансашье буряадууд бэшэ, бусадшые яһатан байгаа. Тувын буддын шажанай түб 1 миллион түхэриг үргөө. Хүдэлмэрингөө хэрэгээр Улаан-Үдэ ерээд байһан монгол зурхайша ламбагай

телестудийн тусхай телефонооршые телехарагшад хонходожо, үргэл хэлэнээ дуулгаа. Жэшэнь, Хурамхаанай Гашиновтанай бүлэ 1 миллион 300 мянган түхэриг оруулаа.

Бэшүүрэй Харлан нюотаһаа гарбалтай аад, мүнөө Ивалгын Сотниково нууринда байдаг Г.



БУРХАН БАГШЫМНАЙ НУРГААЛ, АЙ, ХӨӨРХЫ!

Майн 11-дэ үнгэрһэн телемарафон, урдахинуудта орходоо, онсо оршон байдалда үнгэрөө.

Нэгэдэхээр, урда тээн олонхи ушарта имэ хэмжээ ябуулганууд байшангууд дотор үнгэрдэг байгаа. Харин тус марафон хайлаһан дуганһаа холо бэшэхэнэ түхээрэгдэн тусхай талмай дээрэ үнгэрөө. Хоёрдохор, майн эхинһээ ото хүйтэн халхитай байһанаа, энэ үдэр одоошые намжаа дулаан болбо. Гадна гэнэ тодхорто орогшодые ямаршые яһатан хайрлан үмэншэлдэг, тэдэндэ аха аргаар туһалха гэжэ үнэн зүрхэһөө оролдоог гэшэ бээ.

Үлөөнэй 11 сагта талмай дээрэ хүн зон илээд олон суглараад байба. Дамжуула ябуулаха Буряадай телерадиокомпаниин тусхай автобусууд энэ шадар зогсоогдонхой, операторнууд камерануудаа хүдэлгэжэ захалба.

Еши-Лодой римбүүшэ, хамба лама Дамба түрүүтэй ламанарай ойро зуурын уншалга бүтээһэнэй удаа Еши-Лодой римбүүшэ, хамба лама Дамба, Правительствын, хотын захиргаанай түлөөлэгшэд үгэ хэлбэ.

Тиигээдшые телемарафон түлэгтөө орошобо. Буряадай телевидениин хүтэлбэрилэгшэ В. Измайлов, Бүгэдэ буряадуудай үндэһэн соёлой эблэлэй вице-президент Б. Баяртуев, режиссёр Т. Гомбоева, редакторнууд М. Урбаева, Н. Шабаев, Д. Жамсоева, И. Гомбоин, Т. Лыгденова талмай дээрэ боложо байһан бүхы юумые республикын телевизор харагшадта дүүрэн харуулаха гэжэ оролдоо.

Талмайн хойморто сэгээн сэнхир үнгэтэй майхан дээрэ Номуун Хүрдын хоёр талаһаа заншалта ёһоор хоёр боди гүрөөһэд дүрсэлэгдэнхэй. Энэмнай Бурхан багшын боди хотог оложо, гэгээрээд, Номуун Хүрдые анха удаа оршуулан (эрьюулэн), түрүүшынгээ айладхал үршөөһэниие һануулна. Захадань - улаан бүд дээрэ Бурхан багшын дэлгээмэл дүрэ зураг. Доронь


Еши-Лодой римбүүшэ, хамба лама Дамба, дид-хамба Доржо лама, Дээдэ-Онгостойн дасанай соржо лама Туваан-Доржо хүндэтэй нууринуудые эзэлэнхэй.

Хандиб баригшадай дунда предпряти, эмхи зургаануудай шые түлөөлэгшэд, амяараа бүлэнүүд, тус тус хүнүүдшые байгаа. Зариманиинь артистнуудай тоглодог тайзанай дэргэдэ түхээрэгдэн эндэр дээрэ табигданан шэрээгэй саана нуугаадшые, нүгөөдүүлын сугларһан зоной дундаһаашые үгэ хэлэжэ, хандиб үргэһэнөө соносхоно. Эгээл ехэ хэмжээнэй хандибуудые Президент, Правительство, Арадай Хурал - 55 миллион, Улаан-Үдэ хотын захиргаан 50 миллион, "Бурят-Азия" гэнэн мүнгэн сангай компани 50 миллион түхэриг үргэбэ.

Сонгоолой Балдан-Брайбун дасанай шаби байһан Дамбажаб Цырендондокович Цыремпилов марафоновой ёһололдо хабаадагшад сооһоо эгээл үндэр наһатай гэхэ гү, али 90 хүрэнхэй гэжэ В. Измайлов соносхоо.

Шэнэ дасангаа гүйсэд бүтээхэ ёһотойбди. Бурхан багшын нургааһы дэлгэрүүлхэ гэшэ хилбар хэрэг бэшэ.

Бурхан шажамнай 70 жэл соо сүбтэжэ доройтоо. 2000 он болотор нэргэхэ байха, -



Бэээрэ зула болоһон гурбан хубарагуудай - Цырен Цыдыповэй, Түмэн Мариевай, Солбон Буянтуевай гэрэлтэ дурасхаалда

юроолэй үгэ хэлээд, мүн лэ өөрынгөө хубита оруулаа.

Уржадэрын - майн 9-дэ Илалтын һайндэр тэмдэглэгдээ гэшэ һэн бээ. Наһажаал аад, тэгшэ томо бээтэй ород яһатан Павел Николаевич Плотников баян тэбэринхэй, тайзан дээрэ гаража ерээд:

- Буддын шажантан аймшагтай гэнэ тодхорто оробо гэшэ бээ. Буряад, ород арадууд урданшые хоорондоо эбтэй ажаһуугаа, саашадаашые эбтэй байхабди, - гэжэ хэлээд, һая үнгэрһэн Илалтын үдэртэй дашарамдуулан, дайнай үеын "Вьюга" гэнэн дуу гүйсэдхөө.

Гансашые телемарафоновой талмай дээрэ ерэгшэд хандибуудые баряа бэшэ,

Ц.Цыдынова марафоновой боложо байхые телевизорээр хараад, Дээдэ-Онгостой зориута ерэнэн байна. Тэрэ алган бэһэлиг үргөөд: "Айл аймаг, бүгэдэ зон амгалан мэндэ ажаһууһай, толгой дээрэхи тэнгэригнай сэлмэг байһай" гэнэн юрөөл табяа.

Үргэл хэгшэдые бултыень эндэ дурдахын аргагүй. Марафоновой түгэсхэлдэ дун хамта 394 миллион түхэриг даб дээрэ ороо гэжэ дуулгагдаа. Зүгөөр энэ тоо саашадаа үшөө тодорнуулагдаха ёһотой. Энэ бүхы мүнгэн хиршиисээр баригдаха Сахюусанай дуганай барилгада шэглүүлэгдэхэ юм. Энэ дуганай зураг мүн талмайн хойморто үлгөөтэй байгаа.

Үнэн дээрээ барилгадань бүри ехэ, миллиардһаа доошобэшэ мүнгэн хэрэгтэй болохо юм ааб даа. Дутаашыень сүм хүсэлдүүлэн, дуганай барилгы МОТМ гэнэн компани өөр дээрээ дааж абаха гэжэ тус эмхиин түлөөлэгшэд С. И. Зураев, И. В. Баранова найдуулаа. Барилгы дүүргэхын тула, хэды мүнгэн хэрэгтэй болохоб гэжэ мүнөө хэлэхэнэ бэрхэ юм бээ. Гэбэшье алишые ушарта "Мотом" компани эгээл ехэ хандиб оруулба гэшэ ааб даа.

Дуушад Х.Аюржанаева, Ж.Бадмацыренов, Д.Занданов, Т.Шойдагбаева, Б.Базаров, В.Базарова, М.Кожевина, Н.Казинец, Д.Бальжинмаев, М.Доржиева, "Ариг Ус" компаниин камера хоор үлзы дэмбэрэлтэ энэ ёһололые шэмэглээ.

Н. БАДМАРИНЧИНОВ.

ЗУРАГУУД ДЭЭРЭ: хүзэгшэдэй дунда; ламанарай уншалга; Зүүн зүгэй эмнэлгын түбэй түлөөлэгшэд Д. А. Митьшов, В. Б. Бальчинов гэгшэд журналист Т. Лыгденовтай хөөрэлдэнэ; дуушад Ж. Бадмацыренов, М. Доржиева; "Бурят-Азия" компаниин генеральна директор Е. М. Егоров интервью үгэжэ байна.

Ц. ЦЫРЕНЖАЛГОВАЙ фото.



